

No mester tin ni un lugar bashi den "Cas di Cultura" Diamars

Ayera mi a keda masha contento ora cu mi a haya den mi man un comunicado indicando cu Diamars awor dia 24 di november lo ser presenta den Cas di Cultura dos obra teatral, cu ta obranan cu **NINGUN HENDE HOMBER y NINGUN HENDE MUHER** mester keda sin mira. E prome ta e obra "**NINGA BON**" di e autor y actor Antiyano, Roy Colastica y e di dos ta "**E BURACHENAN**" di Mascaruba.

"**NINGA BON**" ta un monologo cu algun luna pasa mi a reseña y a lamenta cu e no a sigui na Aruba, pasobra ta cada hende homber y cada hende muher mester mira e presentacion aki, pasobra nan ta mira nan mes den un spiel.

Manera e comunicado ta bisa, e obra ta describi bida di un ser masculino, cu ta relata di su hubentud, su bida matrimonial cu a fracasa, con el a busca su felicidad cerca un "**byside**". E ta mustra riba tur esnan cu lo por tin falta den e fracaso di su bida y e falta di informacion riba "**bida**" principalmente "**bida casa**".

E actor ta actua cu un escenario casi bashi, cu un stoel, un mesa cu portret riba dje, pero ta usa henter e escenario pa su obra.

E ta usa rand di escenario, y ta baha den publico, envolvi e publico den su monologo. E ta tira curpa abao mustrand su infelicidad, e ta hari, e ta yora (lagrimanan di verdad) y asina tene e publico "**na punto di su lip**" for di comienzo te final.

Mi ta sigur cu esnan cu sigui e conseho aki di no perde e show aki, lo no tin nada di lamenta, pasobra nan lo keda inmensamente encanta cu e show di Roy Colastica, y kizas sali di Cas di Cultura bisando: "**Mi a mira mi mes; mi a mira mi mama, mi a mira mi tata, den e obra aki**".

Awor..... Pakico hopi hende ta busca refugio den bebida alcoholico ?..... Den mayoria di caso, debi na e golpinan di bida cu e personanan aki ta haya.

Un mensahe fuerte, Oslin Boekhoudt, Faritah Luidens y Domi Tromp tin pa e personanan aki.

E obra "**E BURACHENAN**" a ser presenta na 1986 den Festival Internacional di Teatro di Aruba y a ricibi varios invitacion pa wordo presenta den exterior.

E anochi aki e obranan ta ser presenta pa recauda fondo pa Fundacion pa Hende Muhe den Dificultad, pa por construi nan shelter cual indudablemente ta un necesidad pa esnan cu ta haya nan mes confronta cu circunstancianan indesea cu nan partner, of casa.

Mi ta ripiti; diamars anochi lo mester ta un anochi cu Cas di Cultura mester pone tur nan asientonan disponibel pa yega mas o menos 575 y ningun mester por keda bashi, pasobra e obranan aki ta obranan cu nos tur como hende homber of hende muher **MESTER** mira. Tur dos ta dramatico, sinembargo, den tur dos obra tin ocasionnan cu por hari tambe.


Mi ta sigur cu si logra yena e sala completo e anochi aki, hasta ripiticion lo bolbe yena e sala pasobra esnan cu mira e obranan aki **NO POR KEDA SIN COMENTA** dia tras dia di e bunita y **INTERESANTE** cu tur dos ta.

Mi ta hasta tribi di bisa cu si e wordo ripiti mes, "**ta e mes personanan lo kier bay mire atrobe pasobra un vez so lo no ta suficiente**".

Juby



"Winter Wonderland" lo ta un maraviya



Ayera **DIARIO** tabata na Club Primavera pa mira e ultimo ensayonan di "**Cos di Mucha and Teens**" cu fin di siman aki den Cas di Cultura ta presenta "**Winter Wonderland**".

Mirando e ensayo y scuchando e muchanan ta canta nan cancionnan y bailando, ademas cu nan sketch di comedia acerca, tabata caba como sifuera a mira e bunita di e show nos dilanti, ainda sin e preciosidad di costumnan cu por a admira durante dia. Riba e portretnan aki por

mira e muchanan ta ensayando dos parti di e show riba coreografia di Sr. Igor Hasham cu tabata dunando instruccionnan.

Pa varios aña caba, "**Cos di Mucha and Teens**" ta cera nan aña artistico cu nan show navideño, y tur aña tabata un sorpresa mas grandi cu esun anterior.

E sorpresa e aña aki, segun diseñonan y sketchnan lo ta e decoracion di escenario y cu su efectonan di luz cu mester hacie un preciosidad. E prome presentacion ta mañan anochi.

TELEFONNAN DI DIARIO
826747- FAX 828551

Bo deseo wordu cumpli



tur mainta tin tur sorto sandwichs, pastechi y saco di ijs, coffee- tea. Weekend, bo dushi chicken wings, chicken tenders, chicken nuggets. Nan ta bin cu french fries y un dushi sauce, bin comproba bo mes. Bo cerbez bon frieuw y refrescante.

NOS TA WARDABO!! NA...

POS CHIQUITO RUM SHOP